



KOMISAUN FUNSAUNPÚBLIKA

# MANUAL

## PROMOSAUN TUIR ANTIGUIDADE



[www.cfp.gov.tl](http://www.cfp.gov.tl)

## MENSAGEM BADAK

Komisaun Funsau Públika (KFP) IV Mandatu iha IX Governu Konstitusional hamosu programa prioridade ida konaba Promosaun tuir Antiguidade iha Administrasaun Públika Timor-Leste. Prioridade ida ne'e hanesan dalan ida atu responde ba preokupasaun hosi Funsionáriu Públiku sira iha Rejime Karreira Jeral ne'ebé iha tinan barak la hetan efeitu ruma hosi promosaun ba iha sira nia Karreira.



Ho aprovasaun ba Dekretu Lei No.46/2024 iha 23 dezembru konaba Promosaun tuir Antiguidade fo biban ba Komisaun Funsau Públika hodi hahú implementa servisu sira relaciona ho Promosaun tuir Antiguidade liu husi servisu hamutuk ho Rekursu Humanu instituisaun sira hotu. Baze ba Dekretu Lei refere, funsionáriu públiku ne'ebé elijível ba promosaun tuir Antiguidade mak sira ne'ebé nunca hetan pormosaun iha sira nia grau liu husi tinan 8.

Nune'e, Komisaun Funsau Públika hamosu "Manual ba Promosaun tuir Antiguidade" ida ne'e atu ajuda ba Rekursu Humanus no Funsionáriu Públiku sira atu komprende didiak konaba lalaok promosaun tuir antiguidade no nia kritériu sira ne'ebé aplika.

Kada tinan, Governu sei aprova Rezolusaun ida hodi defini persentajen ba promosaun enkuantu kritériu sira iha manual ida ne'e sei prevalese.

Agradese ba Ministériu Prezidénsia Konsellu Ministru ba suporta Komisaun Funsau Públika durante prosesu diskusaun to'o implementasaun rejime ida ne'e. Apresia ba Prezidente, Komissáriu no Estrutura Sekretariadu KFP ba kooperasaun, kolaborasaun, no servisu hamutuk durante diskusaun hodi hamosu Dekreto Lei promosaun tuir antiguidade atu nune'e bele implementa.

A handwritten signature in blue ink, consisting of a stylized 'J' followed by a series of loops and a final flourish.

**José Telo Soares Cristovão**

Komissáriu Responsável ba Assuntu Planeamentu Forsa Traballu.

## ÍNDISE

<b>Dekreto Lei no 46/2024 Rejime Promosaun tuir Antiguidade</b> .....	1
Definisaun .....	3
Objetivu .....	3
Ámbito .....	3
Frekuénsia .....	4
Admisaun Kandidatu .....	4
Rekizitus ba Elejibilidade .....	5
Número Vagas .....	5
Rekursu .....	5
Regulamentu Konkursu.....	5
Sistema Klasifikasaun .....	4
<b>Sistema Pontuasaun ba Promosaun tuir Antiguidade</b> .....	2
Pontuasaun ba Tempu Servisu .....	6
Pontuasaun ba Avaliasaun Dezempeñu .....	7
Pontuasaun ba ba Idade Bo'ot.....	8
Pontuasaun ba ezerse funsaun sira iha fatin remoto.....	9
Pontuasaun ba Formasaun Profesional.....	10
Pontuasaun ba Hahalok Di'ak .....	11
Pontuasaun ba Asiduidade.....	12
<b>Sistema Pontuasaun ba Promosaun tuir Antiguidade</b> .....	3
Ezemplu pontuasaun possível.....	13
<b>Dekreto Lei no 46/2024 Rejime Promosaun tuir Antiguidade</b> .....	4
Pontuasaun ba Ezersisiu funsaun téknika-especializada.....	14
Métode Dezempate.....	15
Efeito Promosaun tuir Antiguidade .....	16
<b>Total Pontuasaun Possível</b> .....	17
<b>Vaga sira aprovalu ba Promosaun tuir Antiguidade</b> .....	18

# DEKRETU LEI NO. 46/2024 DE 23 DEZEMBRU 2024

## REJIME PROMOSAUN TUIR ANTIGUIDADE



### DEFINISAUN

Promosaun tuir antiguidade mak rejime promosaun ida ne'ebe hala'o ho objetivu atu fo oportunidade tranzisaun ba funcionáriu públiku ne'ebe dezempeña servisu mínimu tinan 8 no seidauk hetan efeitu husi promosaun karreira rejime jerál husi grau atuál ida ba grau superior imediata iha eskala vertikal, hodi asume kna'ar sira ho kompleksidade no responsabilidade boot liu.

*(Artigo 4º. DL NO 46/2024)*



### OBJETIVU

Promosaun tuir antiguidade hala'o ho objetivu atu garante progresau karreira ba funcionáriu públiku hotu- hotu, liu-liu sira ne'ebé dedika ona tinan barak ba servisu. Ho nune'e, Governu decide aprova eskema promosaun sentralizada bazeia ba antiguidade, ne'ebé hala'o tinan-tinan no bazeia ba kritériu sira.

*(Artigo 1º. DL NO 46/2024)*



### ÁMBITU

Promosaun tuir antiguidade hala'o deit ba funcionáriu sira iha rejime karreira jerál Administrasaun Publika.

*(Artigo 20. DL NO 46/2024)*

DEKRETO LEI NO. 46/2024 DE 23 DEZEMBRU 2024  
REJIME PROMOSAUN TUIR ANTIGUIDADE

➤ **FREKUÉNSIA**

Promosaun ba antiguidade akontese tinan–tinan, hafoin hala’o konkursu ne’ebé prevee iha Rejime Promosaun Pesoál Karreira Administrasaun Públika.

*(Artigo 4º. DL NO 46/2024)*

➤ **ADMISAUN KANDIDATU**

1. Komisaun Funsoun Públika promove admisaun automatika ba konkursu promosaun bazeia ba antiguidade funsionáriu públiku hotu–hotu ne’ebé prienxe rekizitu ne’ebé hatuur iha diploma ministerial, no garante tuir mai ne’e:
  - a) Funsionáriu públiku iha direitu atu lakohi partisipa iha konkursu;
  - b) Direitu ba rekursu.

*(Artigo 19º. DL NO 46/2024)*



# DEKRETU LEI NO. 46/2024 DE 23 DEZEMBRU 2024

## REJIME PROMOSAUN TUIR ANTIGUIDADE

### REKIZITUS BA ELEJIBILIDADE

- Funsionáriu públiku ne'ebé nia períodu servisu iha última permanénsia grau iha tinan 8 ou liu bele tuir konkursu promosaun bazeia ba Antiguidade.
  - Pontuasaun ba tempu servisu nian no mos antiguidade, sei la sura ho:
    - Tempu lisensa sem vensimentu durante servisu, HO EXEPSAUN BA lisensa sem vensimentu ne'ebé foti hodi dezempena funsaun servisu sira iha Administrasaun Públika ou Empresa Públika.
    - Tempu durante kumprimenta ka hala'o hela pena dixiplinar,
    - No tempu sira ba faltas injustifikadas.
  - Durante periodu sira ba lisensa espesial sem vensimentu, no mos lisensa com vensimentu sura hanesan tempu efetivu servisu nian, no sei la afeta ba antiguidade funsionáriu ida nian.

Promosaun por antiguidade sei inklui hotu funsionáriu públiku ne'ebé remata ona pena ka pena lao hela.

*(Artigo 6º. DL NO 46/2024)*

### NÚMERO VAGAS

- Número vagas ba promosaun por antiguidade kada tinan bazeia ba Rezolusaun Governu, tuir proposta hosi Komisaun Funsau Públika.
- Número vagas aplika tuir grupu profesional sira iha kada grau iha kategoria rejime jeral nian.

*(Artigo 7º. DL NO 46/2024)*

### REKURSU

Rekursu sei submete mai iha membru painél júri sira, bainhira júri sira la responde ba rekursu no sei enkamina ba Komisaun Funsau Públika.

*(Artigo 21º. DL NO 46/2024)*

### REGULAMENTU KONKURSU

Regulamentu konkursu nian temi ona iha avizu abertura ne'ebé maka publika ona hosi Komisaun Funsau Públika.

*(Artigo 20º. DL NO 46/2024)*



### SISTEMA KLASIFIKASAUN

- Promosaun antiguidade aplika sistema klasifikasaun iha eskala pontu, ba kandidatu ho número pontu a'as liu konsidera promovidu, tuir limite número vagas ne'ebé estabese hosi konkursu ba kada nível karreira ka grupu profesionál.
- Klasifikasaun finál ba kandidatu ida-idak hetan hosi somatório aritmética hosi pontuasaun ne'ebé hetan iha kritériu ida-idak ne'ebé aplika iha períodu ne'ebé konsidera ba promosaun.

*(Artigo 8º. DL NO 46/2024)*

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN BA TEMPUSERVISU

Funسیونáriu hetan pontu ba tempuservisutuir termu hirak hanesan tuir mai:

- Pontu kritériu sira no durasaun servisu sura hahú hosi funسیونáriu ida assina nia kontratu iha **Administraosaun Públika** hanesan; Permanente, Kargu Direosaun/Xefias no Ajente Administraosaun Públika ne'ebé sei sura hahú hosi tinan 2002 to'o iha 01/01/2024.

Tempu Servisu	Pontu/Tinan
Iha Administraosaun Publika	2
Iha Karreira	3
Iha Grau	5

### TEMPU SERVISU IHA KARREIRA

- Pontu kritériu sira ba iha KARREIRA sura hahú husi 01/01/2009 até 01/01/2024 ba entrada iha Administraosaun Publika hanesan; Permanente, Kargu Direosaun/Xefia no Ajente Administraosaun Públika.
- Funسیونáriu Públiku sira ne'ebé mak tama iha Administraosaun Públika hahú husi tinan 2002 to'o iha 31/12/2008 ba pontu iha KARREIRA sei la sura tamba Sistema Karreira implementa iha 01/01/2009 tuir DECRETO-LEI N° 27\_2008 de 11 de agosto.

### EZEMPLU TEMPUSERVISU

Sr. "A" assina kontratu nudar ajente AP ho Nivel 3 iha 15/07/2004 no iha 01/01/2010 rekrutadu ba permanente ho TPGrau D. Iha 01/01/2013 promove ba TPGrau C ate a data.

#### Pontos Antiguidade

*15-07-2004 = 19 anos iha Administraosaun Públika x 2 = 38 Pontos*

*01/01/2010 = 11 anos iha carreira x 3 = 33 Pontos*

*01/01/2013 = 10 anos iha grau x 5 = 50 Pontos*

**Total Valor antiguidade = 121**

### TEMPU SERVISU IHA GRAU

Pontu kritériu sira ba iha GRAU sura hahú hosi permanénsia grau ikus.

### NOTA IMPORTANTE

- Pontuasaun ba tempuservisunian no mós antiguidade, sei la sura ho:
  - Tempu lisensa sem vensimentu durante servisu, HO EXEPSAUN BA lisensa sem vensimentu ne'ebé foti hodi dezempena funsaun servisu sira iha Administraosaun Públika ou Empreza Públika;
  - Tempu durante kumprimenta ka hala'o hela pena dixiplinar;
  - No tempu sira ba faltas injustifikadas.

(Artigo 10º. DL no. 46/2024)

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN BA AVALIASAUN DEZEMPEÑU

Funcionáriu ida bele hetan pontu husi Avaliasaun Dezempeñu tuir termu hirak hanesan tuir mai:

- Kritériu rezultadu avaliasaun dezempeñu nian bazeia ba rezultadu avaliasaun dezempeñu sira ne'ebé rejista ona iha baze dadus funsaun pública hahú hosi tinan 2009 mai oin. (*tuir artigu 10º hosi Dekretu-Lei núº 14/2008, lora 7 fulan-Maiu, Rejime Avaliasaun Dezempeñu Traballadór Administrasaun Pública nian, ne'ebé altera hosi Dekretu-Lei nú. 18/2009 lora 8 abril, no ho Dekretu-Lei No.19/2011, lora 8 fulan Juñu*).
- Resultadu avaliasaun dezempeñu kandidatu nian foti husi tinan ikus iha permanénsia Grau;
- Karik funcionáriu seidak hetan promosaun, sei konsidera rezultadu hosi avaliasaun dezempeñu ne'ebé hetan dezde data tama iha grau karreira dahuluk;
- Kada tinan funcionáriu rejista Avaliasaun Dezempeñu "*Muito Bom*" sei hetan direitu ba pontu 5 (*5 x tinan permanénsia iha GRAU*);
- Kada tinan funcionáriu rejista Avaliasaun Dezempeñu "*Bom*" sei hetan direitu ba pontu 3 (*3 x tinan permanénsia iha GRAU*);
- Funcionáriu ne'ebé rejista Avaliasaun Dezempeñu "*Suficiente*" sei hetan direitu ba pontu 0;
- Ba kada tinan ne'ebé kandidatu rejista Avaliasaun Dezempeñu "*Insuficiente*" iha avaliasaun dezempenu bai-bain, *hamenus pontu 20*.

Resultadu husi avaliasaun dezempeñu	Pontos kada tinan
Avaliação MB	5
Avaliação Bom	3
Avaliação Suficiente	0
Avaliação Insuficiente	Hamenus pontu 20

### EZEMPLU AVALIASAUN DEZEMPENU

Sr. "A" iha 01/01/2013 promove ba TPGrau C ate a data. Hetan pontu Avaliasaun Dezempeñu hamutuk 34 maibé hamenus 20 husi rezultadu Insuficiente husi tinan 2019.  
 $Total = 5+3+0+3+3+5+5+5+5 = 34$   
 $34 - 20 = 14$

Ano de Avaliasaun	Qualitativa	Pontos
2014	Muito Bom	5
2015	Bom	3
2016	Suficiente	0
2017	Bom	3
2018	Bom	3
2019	Insuficiente	(Hamenus 20)
2020	Muito Bom	5
2021	Muito Bom	5
2022	Muito Bom	5
2023	Muito Bom	5
Total AD		34

### Resultadu Final:

Total AD : 34

### Observasaun:

Tinan 2019 "Insuficiente"  
Nune'e:  $34 - 20 = 14$

(Artigo 11º. DL no. 46/2024)

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN BA IDADE BO'OT

Funسیونáriu ida bele hetan pontu hosi maior idade tuir termu hirak hanesan tuir mai:

1. Atribui pontu 2 ba kada tinan idade Funسیونáriu nian entre tinan 45 to'o 59;
2. Funسیونáriu ho idade 60 ba leten hetan pontu 30.

### Ezemplu idade bo'ot

Sr. "A" até dezembru 2024 atinji ona idade 54 (moris iha tinan 1970). Nune'e pontuasaun ba idade hanesan tabela iha sorin.

Pontos Idade:

**Idade 54 = Pontus 20**

<i>Idade</i>	<i>Pontu</i>
45 - 46	2
46 - 47	4
47 - 48	6
48 - 49	8
49 - 50	10
50 - 51	12
51 - 52	14
52 - 53	16
53 - 54	18
54 - 55	20
55 - 56	22
56 - 57	24
57 - 58	26
58 - 59	28
>= 60	30



(Artigo 12º. DL no. 46/2024)

## SISTEMA PONTUASAUN BA PROMOSAUN TUIR ANTIGUIDADE

### PONTUASAUN BA EZERSE FUNSAUN SIRA IHA FATIN REMOTO

Funسیونáriu ida bele hetan pontu husi ezerse funsaun iha área remota tuir termu hirak hanesan tuir mai:

- Ezersísiu funsaun sira iha lokalizasaun remoto, ne'ebé define tuir termu iha artigu 15º hosi Dekretu-Lei nú. 20/2010, loran 01 fulan-Dezembu nian, ne'ebé altera ho Dekretu-Lei nú. 23/2019, loran 07 fulan-agostu nian, ba período tinan ida ka liu, **sei hetan pontu 25.**

Kazu Sr. A servisu iha fatin remoto iha munisípiu ida fulan 6, depois hetan mudansa ba fatin remoto iha munisípiu seluk durante fulan 8. Nune'e funسیونáriu ne'e konsidera servisu iha área remoto liu tinan 1 no iha direitu ba hetan pontu 25.

**Total pontu remoto = Pontu 25**

Servisu iha áreas remotas	Pontos
Tinan 1 ka liu	25

(Artigo 13º. DL no. 46/2024)

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN BA FORMASAUN PROFISIONAL

Funionáriu ida bele hetan pontu hosi formasaun profisionál sira tuir termu hirak hanesan tuir mai:

- Formasaun profisionál ne'ebé rejistadu iha baze dados funsaun públika aumenta:
  - Pontu 75 ba kada formasaun ho durasaun oras 40 ba leten;
  - Pontu 10 ba kada formasaun ho durasaun menus husi oras 40;
  - Pontu 85 ba funsionáriu ne'ebé maka iha formasaun menus 40 oras ida no mais 40 oras ida.
- Sei konsidera deit formasaun rua ne'ebé mais vantazoso hosi grau ikus ne'ebé konsidera ba promosaun.
- Submete sertifikadu formasaun ne'ebé maka iha ba Komisaun Funsuon Públika ka rekursu humanus hosi kada linhas ministeriais atu nune'e bele rejista iha baze dados ho nia efeito kontajen ba iha kritéria pontuasaun.

Kursu formasaun profisional	Pontos ba Formasaun 40 horas ka liu	Pontos ba formasaun menus 40 horas
1 Formação	75	10
2 Formações	150	20

### Ezemplu Formasaun Profisional

Sr. "A" Iha 2019 partisipa iha formasaun menus husi 40 oras. Iha tinan 2023 Sr. A tuir formasaun seluk ho durasaun 40 oras. Nune'e total formasaun hamutuk 85. **Total pontu Formasaun Profisional = Pontus 85**



(Artigo 14º DL no. 46/2024)

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN BA HAHALOK DI'AK

Funsonáriu ida bele hetan pontu hosi Bom Komportamentu sira tuir termu hirak hanesan tuir mai

- Funsonáriu públiku sira ne'ebé durante servisu iha administrasaun públika nunca hetan pena dixiplinár durante períodu ne'ebé konsidera ba promosaun bazeia ba antiguidade iha grau sei hetan pontu 50.
- Promosaun tuir antiguidade sei inklui hotu funsonáriu públiku ne'ebé remata ona pena ka pena lao hela.
- Funsonáriu públiku ne'ebé rejista pena dixiplinár iha sira nia dados individuál durante períodu ne'ebé konsidera ba promosaun hetan pontu sira hanesan tuir mai.

Hahalok diak	Pontos
La iha pena	50
Pena de repreensão	25
Pena de suspensão	10
Pena de inatividade	5
Liu pena ida	0

### Exemplu Hahalok Di'ak

Sr. "A" exerse nia funsaun hanesan funsonáriu públiku durante nia grau ikus hetan pena represaun dala ida.

Tamba ne'e pontuasaun ba hahalok diak sr. A hetan deit pontu 25.

**Total pontu Hahalok Di'ak = Pontus 25**

**Observasaun: Pontu 50 ba deit sira ne'ebé nunca hetan pena.**



(Artigo 15º. DL no. 46/2024)

# SISTEMA PONTUASAUN BA PROMOSAUN TUIR ANTIGUIDADE

## PONTUASAUN HOSI ASIDUIDADE

- Funsionáriu públiku ne'ebé rejista auzénsia injustifikadu hetan dedusaun (Hamenus) pontu tolu ba kada loron auzénsia.
- Funsionáriu públiku ida ne'ebé mak durante nia última permanénsia iha grau hetan auzénsia sei prejudika ba nia antiguidade iha grau.

Asiduidade	Pontu/Loron 1
Faltas injustificadas	Hamenus pontu 3

### Ezemplu Asiduidade

Sr. "A" durante exerse funsaun iha nia grau ikus falta injustifikada dala 4. Nune'e nia pontu asiduidade hamenus pontu 12.

**Pontu Asiduidade = Hamenus pontu 3 x 4 = 12**



## SISTEMA PONTUASAUN BA PROMOSAUN TUIR ANTIGUIDADE

### EZEMPLU PONTUASAUN POSÍVEL HOSI SR. "A"

KRITERIUS	Pontus
Durasau Antiguidade	121
Rezultadu Avaliasau Dezempeñu	14
Idade bo'ot liu	20
Prestasau servisu iha fatin remoto	25
Formasau Profisional	85
Hahalok Diak	25
<b>Sub Total</b>	<b>290</b>
Asiduidade (Hamenus pontu 3 por dia)	12
<b>Total pontuasaun ba sr. A</b>	<b>278</b>

#### Observasau

Sr. A iha possibilidade atu hetan valor as liu husi 278 maibé iha lakunas balun ne'ebé impede Nia mak hanesan;

- Husi nia Avaliasau Dezempeñu ne'ebé hetan insuficiente dala ida hodi hamenus tiha pontu 20.
- Devia nia hetan formasau oras 40 iha rua.
- Nia tenke iha hahalok diak atu nune'e bele hetan pontu 50.
- Falta dala 4 ne'ebé hamenus pontu 12

## SISTEMA PONTUASAUN BA PROMOSAUN TUIR ANTIGUIDADE

### TOTAL PONTUASAUN POSÍVEL

<b>KRITÉRIU</b>	<b>PONTU MÁSIMU</b>
<b>Durasaun servisu iha Administrasaun Públika</b>	42
<b>Durasaun servisu iha karreira no respetiva kategoria ka grau</b>	120
<b>Rezultadu husi avaliasaun dezempeñu</b>	75
<b>Idade boot liu</b>	30
<b>Prestasaun servisu iha fatin remoto</b>	25
<b>Completa kursu formasaun sira</b>	150
<b>Hahalok diak</b>	50
<b>Assiduidade</b>	0
<b>TOTAL</b>	<b>492</b>

## SISTEMA PONTUASAUN BA PROMOSAUN TUIR ANTIGUIDADE

### EZERSÍSIU FUNSAUN TÉKNIKA-ESPECIALIZADA

Funseonáriu Públika ne'ebé hala'o funsaun téknika – especializada durante período ne'ebé konsidera ba promosaun:

- 1) Ba tinan rua to'o tinan lima, atribui pontu 20;
- 2) Liu tinan lima, atribui pontu 50.

---

*Nota: Konkursu tinan 2024 no 2025 seidak aplika ba téknika especializada tamba seidak iha rezolusaun husi Governu atu define funsaun téknika especializada.*

---

# DEKRETU LEI NO. 46/2024 DE 23 DEZEMBRU 2024 REJIME PROMOSAUN TUIR ANTIGUIDADE

## MÉTODO DEZEMPATE

Kazu iha empate pontuasaun ne'ebé hetan hosi kandidatu sira iha konkursu, preferénsia ba promosaun bazeia ba antiguidade ne'ebé estabese liu hosi mekanismu kritériu sira ne'ebé aplika ba empate hanesan tuir mai;

- 1) Kandidatu Feto;*
- 2) Antiguidade iha Grau;*
- 3) Antiguidade iha Funsau Públika;*
- 4) Preferénsia kandidatu ne'ebé idade bo'ot liu.*

*(Artigo 9º. DL no. 46/2024)*



# DEKRETU LEI NO. 46/2024 DE 23 DEZEMBRU 2024 REJIME PROMOSAUN TUIR ANTIGUIDADE

## EFEITU PROMOSAUN TUIR ANTIGUIDADE

- Efeitu promosaun tuir antiguidade nia efeitu sei akontese iha loron 1 fulan janeiru tinan tuir mai.
- Ba funsionáriu husi Grau G eskalaun 7 no funsionáriu Grau F eskalaun 7 ne'ebé mak promovidu sei hetan mudansa Grau ida iha leten no koloka iha eskalaun rua.
- Vaga anterior ne'ebé kandidatu sira okupa sei la eziste ona.
- Funsionáriu ne'ebé promovidu tenke atualiza naran iha mapa pesoál iha kada Instituisaun tuir grau foun.



*(Artigo 22º. DL no. 46/2024)*

## VAGAS APROVADU BA PROMOSAUN TUIR ANTIGUIDADE

Bazeia ba Rezolusaun do Governu no. 12/2025 ne'ebé mak determina vaga sira tuir antiguidade pesoál nian iha karreira rejime jeral iha Administrasaun Públika, tuir kategoria no grau ne'ebé distribui hanesan tuir mai:

<b>Kategoria</b>	<b>Vagas Aprovados</b>
<b>Tekniku Superior Grau A</b>	60
<b>Tekniku Superior Grau B</b>	223
<b>Tekniku Profissional Grau C</b>	561
<b>Tekniku Profissional Grau D</b>	965
<b>Tekniku Administrativo Grau E</b>	1051
<b>Assistente Grau F</b>	680
<b>Total Vagas</b>	<b>3540</b>

Nota:

Vaga ida ne'e sei muda kada tinan



## CONTACT US

**Ba informasaun klaru liu tan favor ida kontaktu:**

Sekretariadu Komisaun Funsau Públika

Diresau Nasional Rekrutamentu no Dezenvolvimentu Karreira iha Funsau Públika

Departamentu Dezenvolvimentu Karreira



### TELEPHONE

sra. Marcelina Irene dos Santos Mesquita, Diretora DNRDKFP

(+670) 77305242

sr. Manuel Doutel, Xefe Departamentu DKFP

(+670) 77251640



### WEBSITE

[www.cfp.gov.tl](http://www.cfp.gov.tl)



### LOCATION

Ac. Martires da Patria Dili,

Timor-Leste



